

A. Kajitok eo einwot emoj jakemantak: WON EO EJ KABIJER MARON KO AN
ALAB IM SENIOR DRI JERBAL ILO
ELEKEO-EAN WATO, TIBLYNN H.
SAMUEL KE AK NEJIKIT K. LOKAR?

- a) Uak in kajitok eo: MS Tiblynn H. Samuel.
- b) Komlele eo ilo tu kadru kin un eo uwak in kajitok in ej bedbed ion:
 - 1) Plaintiff Exhibit A – NAN IN KOJELA IM KALIMUR –
Ilo January 1, 1970, Alab/Dri Jerbal Lokoneo Laninra ear ajilok maron kein an ruo non HENRY SAMUEL. Irojlablab Joba Kabua im Leroijedrik Libarbar Samuel rar jimor koweppen ajej in an Laninra.
 - 2) Plaintiff Exhibit C – KALIMUR –
Maron ko ruo an Alab/Dri Jerbal rar an Henry Samuel, im kilen kojerbali rar an make. Kin menin, ilo weppen eo an Irojlablab Amata Kabua ear ajilok maron kein ruo non Tiblynn H. Samuel im ro jet einwot an walok ilo kalimur in.
 - 3) Plaintiff Exhibit D- LAND LEASE –
Lease in ear koman im weppen ikotan ro air wato in im Pacific Marshalls, Inc., ilo July 24, 1991. Tiblynn H. Samuel ear kobalok iben Irojlablab Amata Kabua im Irojiedrik Libarbar Samuel ilo air kar sign i lease in. Kej ko jimor an Alab/Dri Jerbal rekar ilok non Tiblynn H. Samuel.
 - 4) JUON TORE ELAB AN AITOK –
Elane defendant Nejikit Lokar ear kanuij in yokwe wato in an einwot an claim, inem enaj kar “mokaj” im boklok abonono eo an non Iroj ro, “etke Lekeneo Laninra ear ajilok maron ko an Alab/Dri Jerbal ilo Elekeo-Ean wato non Henry Samuel, ak ear jab”. Lale Plaintiff Exhibit F.
 - 5) Rainin, Elekeo-Ean ej juon ian wato ko ilo Laura elab air develop im bo-lomair.

ETAN DRI KAMOL RO AN DRI ABONONO IM JIKIN JOKWE KO AIR
1. Mudge Samuel
Delap, Majuro, Marshall Islands

ETAN HOSTLE WITNESS RO AN DRI ABONONO IM JIKIN JOKWE KO AIR:

- | | |
|---------------------|-------------------------------------|
| 1. Nejikit K. Lokar | Utidikkan, Majuro, Marshall Islands |
| 2. Kotta Lokkar | Utidikkan, Majuro, Marshall Islands |
| 3. Line J. Konou | Delap, Majuro, Marshall Islands |

KEIN KAMOL KO AN DRI ABONONO A-F:

- | | |
|------------------------------|------------------|
| A – NAN IN KOJELA IM KALIMUR | - 1 January 1970 |
| B - RIGHT OF WAY AGREEMENT | - 1 May 1975 |
| C - KALIMUR | - 31 May 1988\ |
| D - LAND LEASE | - 24 July 1991 |
| E – MENMENBWIJ – JOWI | - |
| F - MENMENBWIJ – JOWI | - |

B. KIN DRI JUMAE ABONONO NEJKIT K. LOKAR:

a) Dri Jumae Exhibit D-2 = POWER OF ATTORNEY

Court in ej kwalok an nebar dri jumae abonono in kin an jela ta eo emmon im ekkar bwe en komane non wato kein jiljino einwot air walok ilo power of attorney in. Ear lelok maron non ledrik eo nejin, Line Konou, bwe en lale aolepen tartok in bebe ko an iroij ro im komani ekkar non nan in ijilok ko air none. Court in ej borainwot kile im jela bwe Iroij Amata Kabua ej naj kar sign i wot im likit eltan pein. Ejimwe im jejjet bwe en sign ilo Power of Attorney in bwe tellok in im an bebe.

Iroij Amata Kabua ear likit eltan pein ilo Power of Attorney eo kin jiljino wato ko rej elajrak iloan. Ak kajitok eo in, “elane power of attorney eo en kar kemlet WOT kin juon wato, Elekeo-Ean, en ke kar likit eltan pein?”

b) AFFIDAVIT EO AN LEROIJ NILEB KENDAL

Court in ej kile bwe nan kein an Leroij Nileb Kendal rej jet nan ko remon im mool ekkar non jela im iminene ko an. Ak ilo ad etale affidavit in an, ej make kalikar ke ejab jela ta eo Iroij Joba Kabua, im Amata Kabua, Leroij Libarbar Samuel, im Alab Lekeneo Laninra rar buru wot juon im komane. Jejela bwe ej juon weppen emwij an Tiblynn H. Samuel im ro jet loe im mour iloan.

